

續修四庫全書

《續修四庫全書》編纂委員會編

續修四庫全書

上海古籍出版社

一四三一・集部・別集類

銅鼓書堂遺藁三十二卷

〔清〕查禮撰

一

小倉山房詩集三十六卷補遺二卷

小倉山房文集三十五卷

小倉山房外集八卷

〔詩集卷一至文集卷二〕

〔清〕袁枚撰

二三七

銅鼓書堂遺藁

序

查君儉堂涪蜀之三年盡哀其己丑以前之作走使徵序余戢影蘧廬發書而讀如見儉堂萬里之外頭白知交惟兩人在儉堂之詩舍余孰爲元晏哉儉堂難兄曰蓮坡先生耽嗜風雅狎主齊盟海內詞人靡不向風景慕同時廣陵馬氏遙遙相望余南北往來兩家園林必畱信宿親致師摩壘其閒而蓮坡遂繼以昏姻之好故余弟畜儉堂亦不余嗔也

今上龍飛廷試鴻博之士得十五人餘皆報罷然輦轂人才於斯爲盛其時水西山莊之賓客亦視前後爲最盛刻燭分題藏闕酒蓮坡應接無倦容而儉堂年甫弱冠肩隨秦晉才情騰踔出示一篇則已驚其夙素猶憶史館下

銅鼓書堂遺藁序

直苦吟無俚餽問來自尺五城南安成之食潘園之果堆案盈几喜動家人而儉堂蠶尾細書緘詩投贈意殷摯如其兄自丙辰至癸亥首尾八年一旦余以言事罷斥忍痛別去常恐前死無相見之期乃隔廿餘年余猶幸存不見蓮坡而兩見儉堂焉儉堂以戊辰歲官農部郎尋外擢單車赴嶺表取道與余相見於西湖會余膺羔雁之聘主講粵秀書院儉堂自慶遠來則又相見於五羊城蓋在王申夏五時蓮坡下世未久見儉堂且痛蓮坡也蓮坡與余談藝最洽儉堂之詩杼軸性靈原本忠孝猶蓮坡之教也今披其全集少作已自可傳而傳儉堂者尤在服官以後之作重葺黃文節公祠探湘灘二水發源處浚靈渠修秦郡監史祿遺蹟美政藉藉人口杜拾遺一代詩史未歷方州

元道州咨嗟民瘼治具無所恢張儉堂身際清時有猷有爲不肖以虛聲竊盜一編治譜見於盈寸之詩前賢對之有餘媿矣而乃仕優則學自視欲然歸裝載石清風動林余不見儉堂而見儉堂之詩匪惟競爽蓮坡詩之有用於世此其明效大驗矣儉堂具方圓可施之才今觀察川北以六條計吏行且駸駸大用矣有方召之臣必有方召之詩如江漢常武者豈以一官一邑之治爲足衡量吾儉堂也耶姑就其所已編者而論之如此蜀道遠在天上繼見無日余髮種種猶思揮魯陽之戈延景桑榆序儉堂他日未見之詩也

乾隆庚寅日在酉陸仁和姻弟杭世駿拜手

銅鼓書堂遺彙序

三

銅鼓書堂遺彙序

昔

仁廟時翰林查慎行以文學侍從嘗有瀛臺坐釣應

制之作曰臣本煙波一釣徒蒙

帝賞賚

內侍

每傳呼煙波釣徒查翰林以別於聲山學士

昇云而其所著敬業堂集亦遂盛行於天下故湖南巡撫儉堂先生弱冠卽蜚聲文苑舉博學鴻詞科試不利又困京兆試乃以貲爲農曹郎世咸謂文章無命豈知魁偉絕特之士天必試諸盤根錯節之交以淬其鋒而礪其鏘然後畀以重任而履危而能安視險而如夷見義而必爲見可欲而不動不似尋章摘句以科第顯於時而無所樹立者

銅鼓書堂遺彙序

故其發爲文章乃經世有用之文非徒學士謳吟之物先生之長君淳守桂林搜羅先生詩文爲銅鼓書堂遺彙若干卷致書於余乞校訂而爲之序余胡足以知先生之集然余之知先生者嘗自許在筆墨之外則筆墨所及又烏敢辭先生於書無所不窺其詩不名一體而大要則視煙波釣徒如冰之生水然釣徒未見諸事而託於詩先生之事則一一見諸詩而徵其學遭逢

明聖仕宦三十餘年南至南越西浮弱水蒼顏白髮據鞍揚揚諸番羅拜萬姓待哺仰之若父母尊之如神明而先生之勞其心力苦其筋骨不顧身不顧家犯大帥而不以爲忤折僚友而不以爲非遇倉

卒而不驚任非常而不變每於拈韻揮毫流露古
君子立身行義之本固未可以晚近詩人目之也
嘗試取而誦之時或驚風雨泣鬼神時或諧韶濩
咀金石想其握管摘詞句斟字酌一筆不苟下大
抵千捶百鍊而合於自然藉非浸淫百家陶鎔萬
有其孰臻此閤中肆外從心所欲者哉吾知是集
出而海內爭先覲之以爲快其與敬業遺文齊驅
竝軌無疑也先生尤工於詞深得姜史三昧今附
刻詩集後有德者必有言世之學者自此可知古
君子之行有不徒虛車之飾者然則彪炳史冊照
耀旂常而爲世楷則洵乎其枉筆墨之外也哉是
爲序

銅鼓書堂遺彙序

二

乾隆五十有七年四月既望梁溪顧光旭頓首書
於松風閣中

銅鼓書堂遺彙卷目

卷一

古今體詩七十四首

卷二

古今體詩六十五首

卷三

古今體詩七十四首

卷四

古今體詩六十四首

卷五

古今體詩六十九首

卷六

銅鼓書堂遺彙卷目

一

古今體詩四十二首

卷七

古今體詩六十一首

卷八

古今體詩七十首

卷九

古今體詩八十首

卷十

古今體詩八十三首

卷十一

古今體詩八十八首

卷十二

古今體詩八十首

卷十三

古今體詩七十六首

卷十四

古今體詩六十首

卷十五

古今體詩六十七首

卷十六

古今體詩七十首

卷十七

古今體詩八十九首

卷十八

銅鼓書堂遺彙卷目

二

古今體詩七十二首

卷十九

古今體詩七十九首

卷二十

古今體詩六十六首

卷二十一

古今體詩五十一首

卷二十二

古今體詩五十八首

卷二十三

古今體詩五十二首

卷二十四

古今體詩六十七首

卷二十五

詩餘五十六首

卷二十六

詩餘四十九首

卷二十七

詩餘四十三首

卷二十八

賦一首 辨一首 考一首 序六首 文一首

卷二十九

記十二首 日札一首 題名一首

卷三十

銅鼓書堂遺彙卷目

三

題跋四十八首

卷三十一

碑二首 志一首 行畧一首 哀辭一首 碣銘一首 硯銘一首 上梁文一首

卷三十二

詞話

銅鼓書堂遺藁卷一

宛平 查禮 恂叔

甲寅

春日郊遊

野馬田間路悠悠遠世情荒原殘碣臥古墓朽株橫農圃
非家學巖阿負隱名佇看煙景召花事競春城
落盡殘梅處無鶯拂柳條溪陰冰未解徑滑雪初消飢鵲
窺芳榼疲驢怯板橋一聲清磬響隔水寺非遙
亥市囂塵散芳津煙靄中帘斜村店靜岸闌夕陽空蘭芷
安初服園廛得古風漁樵舒嘯傲誰許話窮通
登臨非有意來去更何期蟾影穿疎樹龍聲出短籬興闌
歸覺晚境僻轉忘疲欲待桑麻長還將筆硯隨

銅鼓書堂遺藁卷一

春雨二首

雨意廉纖少客過茶參經訣佐吟哦數聲鳥語來相和爲
報梨花勝雪多
胭脂狼籍杏開時燕子尋巢飛故遲窗鎖輕寒春寂寂一
簾香雨放翁詩

針魚

長河漲新流漁艇終朝集針魚一寸餘萍浪穿不澀良無
樛漚虞詎愁簪簪及人情細亦貪趁彼漪瀾急背風使展
網鹿角斂呼吸懷刺不善防翻同腐芥拾在背後秦朝國
師有羅什食針如食蔬觀者皆悚立何年化此魚饕餮恣
所給物微倍空恤生意常戢戢舍之任悠然遲將一當十
是以古洿池永無數罟入

過水西莊

小築臨春水風光宛若耶碧圍三徑柳紅開一籬花拂座
雲生牖開門鶴到家機心從此息抱甕入桑麻

訪周月東秀才

暇日訪高士扁舟泛綠水春花依岸開眠柳因風起閒禽
向客吟馴犬迎人喜剝啄叩柴荆應門走童子茶鐺咽松
風塵談嚼宮徵竊若空山中塔然忘城市昔聞周彥倫俯
仰隨行止歌嘯載籍酣籌畫名理今君磊落懷出處同
風旨時或彈素琴時或憑古几時或酒盈杯時或書透紙
玩弄秦漢章點竄南北史把卷一室內戶外常滿履流連
蘊真趣瀟灑絕塵滓幽情堅寸抱不逐浮華徒余敢謂忘
形相對無彼此茆檐挂斜曛清興殊未已醉歌徐返棹月

銅鼓書堂遺藁卷一

照波心裏

題王孝先負劒游集

醉鄉原是君家集醒後應無細碎讎斫地歌聲金石振與
君含笑論吳鉤

山水歌贈陳方來處士

松風不定疎簾舉積翠森然壓院宇誰遣夸娥移此峯削
成岸粵非斤斧下有流泉流汨汨寒光澹沱清毛髮便欲
移家傍淺沙潺湲深處邀古月展圖閃閃光華生乃知畫
法通神明龍嵒應有山靈助絲麗還如溪女行西巖先生
愛奇傑到處探幽扶林穴冲懷磊落胸腹寬不貯繁華貯
冰雪興來落墨如秋雨化學乾坤意師古逸想凝神結構
成他人那識經營苦槐陰轉夏炎燄蒸贈我八尺鷲溪綾

絺衣軒軒動涼色直教虛室凝層冰王蒙倪瓚不可見餘
子紛紛何足算先生畫手世所稀似向匡廬得眞面柿紅
之錦盤雕文沈香之軸椒蘭芬爲君什襲終千古也勝支
頤對碧雲

五月晦日攬翠軒納涼

避暑無奇策開樽水竹閒香清紅藕密波靜白蘋閒蟬聚
聲如雨林深翠似山石牀斜照外敲枕聽潺潺

雨後與胡文錫小酌

小酌非緣客空庭絕點埃好風吹雨去皎月破雲來坐久
吟忘倦眠遲漏故催芭蕉清露下相對盡餘杯

題齋壁

一榻蕭然畫掩關壁將圖畫疊溪山夜來有夢歸何處只

銅鼓書堂遺藁卷一

三

在松風蘿月閒

寄懷履方仲兄

樂敘天倫醒醉同挂帆一去酒樽空音塵常在家書外夢
草還存詩卷中廿四番風花次第二千餘里雁南東秋光
應讓江淮好蟹正肥時霜葉紅

采菱歌

妾家住溪南采菱溪之北紅日映綠波照見妾顏色

舊滄州鐵獅子歌

吾聞條支之國生逸材毛如黃金尾如斗含威蓄怒肆大
聲四谷噲咤萬雷吼飛熊帖伏學醢雞猛虎倉皇類芻狗
平原曠野不代生絕域靈區閒時有麒麟而下百獸尊卓
越凡庸冠羣醜木門城邊秋日皎瑟瑟西風動衰柳忽驚

巨物扼當塗形體龐然儼岡阜高標直欲摩蒼雲平臥猶
堪橫數畝晶瑩寓目撐空睚眦豁達寬願哆方口路人羣說
是獅王浴鐵爲身駭飛走爲想當年鎔鑄時鼓鞴泥鑑事
紛揉鍊精幾費昆吾金搏質還須巨靈手吁嗟創作誠神
奇磅礴陰陽事非偶一從荒煙委寂寞苔蘚潛滋積塵垢
少陵昔詠石犀行莊語詆諆蜀太守要將正道承先王不
使奇衰惑童叟我今懷古異拾遺但有摩挲無冒詬

讀南唐書

擾擾中原日東南倚柱初盤根仙李大王氣秣陵餘節儉
多遺則寬仁有令譽彭奴規畫遠拓跡盡淮徐
地逼思蠶食時平尚武功延津方得劍楚國又亡弓黃爵
窺覲密寒蟬覆蔭空數峯青峭色早晚掩屏風

銅鼓書堂遺藁卷一

四

願作龜茲國盈庭事晏安臣吟宮瓦曉君賦玉笙寒高髻
看新製燒槽續舊彈誰知繡餽句汴上泣金盤
一代多忠節由來愛碩儒黃花終不漲白甲漫前驅客痛
朝衣拜人稱夜宴圖翻思開國際隔水擁灰鑪

雪夜

北風吹夢醒雪片打窗響夜半耿孤燈寒逼早梅想

苦寒吟

城陰積雪凍不消林霜慘刻翔獰鸞青天含愁白日淡寒
氣凜冽彌蒼寥地鑪蒙茸煨榾柮熾火如山黯無色空堂
夜坐悄無人雲際冰輪照階側繭紙細密糊深房固守無
異金與湯不分寒威利投隙如錐脫穎旋穿囊黑羊之裘
白狐腋素挾奇溫與寒敵卻怪此日咸披靡復領重裾等

絺綌我知天道固，有期當粟烈。斯其時，況過長至，入三九。冥布令，夫何疑。憶昨初冬，菊未死，匝地暄和，物欣喜。競說梅應早，得春星躔已踰元。枵紀峭寒陡作，來幽都。刮人脅，鬢侵肌膚，頓覺今時非。往時側身，偃蹇生嗟吁。深夜重衾冷，於鐵殘燈挂壁時，明滅獨笑頭如刺。蛭藏夢魂難共春，雲熱豈無淺深。椰子杯傾壺一使，愁顏開香醪雖醇飲，戶小沙畧空致麻姑。醉豈無鸛鵒青花硯，濡筆狂歌追白戰。呵毫氣冷紛霜花，袞手遲回神轉倦。遙思窮巷簞瓢羣，無衣卒歲悲懸鵲。我欲具草奏，頌頌亟回旌。節布陽春。

乙卯

古劍行 有序

王子孝先越人，慷慨有丈夫氣。昨歲攜古劍策蹇北上，所

銅鼓書堂遺藁卷一

五

著詩卽以負劍遊名集。今擬南歸，解劍相贈，作此謝之。匣中古劍何時傳，光芒豔發凌星躔。昨宵啟匣聲鏘然，旁鏤古篆名龍泉。不將珠玉炫裝飾，摩挲何遂無顏色。天然寶氣迴射人，未逢烈士誰賞識。君不見人中皎皎鐵錚錚，鍛鍊經久功始成。君家佩此憐司直，曾入工部短歌行。不交輕俠重聲價，風雨幾聞吼深夜。卻緣宇內無不平，豈必當前動悲咤。爲余脫贈試吹毛，笑問何如百鍊刀。物無專主，有得失仍恐龍化。隨波濤君不見，豐城紫氣耀九州。干將莫耶今難求，人生遇合亦如此。可能持此斷離愁。

送王孝先歸山陰

梅花香動雪初殘，春早猶餘舊臘寒。歸去卻逢修禊後，右軍遺蹟醉鄉寬。

恰喜南行伴我翁。時孝先隨家大深情無限別離中。富春江上帆開日，好看山桃萬樹紅。人同往浙西

春暮散步城東渡，河過香林院。小憩田舍晚歸，撥醅新水滿塘均。潏潏濫晴光，浸柳梢。三月海螯初上市，一

春江燕未歸巢，澄懷豈必常高臥。遠眺無妨出近郊，寂歷紺園人不到。隔牆閒聽梵鐘敲。

未夏先思籩簞徒耕樵，相對日忘晡。異書儘可懸牛角，長劍休教佩鹿盧。浦口炊煙雲際密，渡頭漁艇暮還呼。何時得就山中宅，自翦荒榛闢芋區。

楊青驛馬上口占

閒雲變態野蒼茫，路入煙村客思狂。萬頃桃花千樹柳，一鞭收拾在詩囊。

銅鼓書堂遺藁卷一

六

靜海道中

策蹇平沙道，春風共往還。一叢花似錦，數曲柳如環。村酒家家熟，柴扉日日閒。余非行役者，何事負溪山。

漢氏成園丞印歌

延陵蔓草千秋荒，土中掘得古印章。印文屈曲摹印體，大小篆法殊雲陽。奉園宮人理妝具，上飯朝朝隨服御。大官送物誰典司，園令食鹽專所務。二十五祠廟祭繁，四時祠祭惟陵園。駿奔趨走寅夙夜，職卑亦得親脈膊。尚方精鑄龜爲鼻，綰繫何人匹。姓字翁仲爲守竝，忘年玉雁金魚同。棄置當時飛燕啄，皇孫淵默空言望。若神一杯黃土歸耕牧，何如此印同貞珉。摩挲翠色堪人愛，金石錄中昔未載。重簾夜靜生古香，肘後奚須如斗大。

早秋過太液池

綠水澄於雨後雲長橋倒浸彩虹分不愁緩步驚鷗散永
日眠沙自一羣
瑣闥惓惓對水開似將明鏡寫樓臺瓊華一島休嫌小直
接西山翠色來

謁辟雍

聖哲扶天造成均重

帝京聲宗標雅化領學聚羣英萬仞宮牆闢千秋俎豆呈
登山寰宇小觀海望洋驚地接辰居迴時逢當代清攬鏞
恢虞業釋奠肅冠纓魯宅猶存壁秦灰久滌坑三川迴地
軸一柱向天擎鳳彩流丹堊麟文動旆旌星輝匏似繫玉
振瑟還鏗轍跡無餘夢章縫在兩楹春秋垂特筆陳蔡失

銅鼓書堂遺藁卷一

七

專征庠別東西序鐘舍大小鳴上尊期取爵祭菜念和羹
且得從公邁仍思稽古榮說經慙嶽嶽談史羨觥觥潔已
師童子無聞忝後生幸蒙五世澤敢負四時行僂僂威儀
重趨踰步武輕典書纔鼓篋奉席比橋衡韓愈師堪式何
蕃業遂精大昕從始教末坐敢張聲

聖世漸摩治

皇猷夙夜宏講堂曾顧室闕里早除荆遣士由文黨觀光
自漢明然藜傳太乙習樂紀先庚車服崇瞻仰弦歌淑性
情於論歸首善思樂在昇平苦卓人堪鑄羣言液盡傾馨
香徵禮物鳧藻喜難名

棘闈中秋

秋色平分天宇空依然桂影廣寒宮青燈三載今宵月一

片吟心萬舍同

寄履方仲兄

十年窗下石爲田待辟湖州愧昔賢離外黃花人共瘦誰
憐顚顚晚風前
數行書就憑雙鯉三百篇中感鵲鴿未得鯢鵬成一變不
如柳絮化浮萍

歲暮周月東招飲卜硯山房出觀所藏書畫

晴雲炙窗寒色淺翠幕無風春衍衍主人愛客情意深籤
軸繽紛遞相展古錦葡萄芍藥紋名牋碧玉金花繭活色
生香盡陸離膠山絹海相夷演水石羣稱董巨高花枝共
道崔徐鮮斑斑古色溢睂稜如際夏商見瑚璉神品逸品
總絕奇天工人工我何辨是時繞室鑪煙清幾點疎梅茁

銅鼓書堂遺藁卷一

八

枯蘚大白頻浮興轉豪指揮不覺金烏轉滿目琳琅秀可
餐絕勝天厨嘗禁臠別有珍奇什襲多鼎彝章印紛華變
矜高不易五城觀鄭重眞同萬錢選君不見道旁瓦礫積
轉深根莠嘉禾各相眩知已無多識者稀奇材常受風塵
覲摩挲躑躅一悵然新月初來暮簾捲

丙辰

乾隆元年元日

鳳闕新頒正朔書龍飛大有一元初九天瑞靄升紅旭四
海黔黎仰紫虛
帝德漸看滋草木春風早喜襲襟裾從今擊壤歌應徧願
頌椒花萬歲餘

試燈日招吳焦音上舍家如岡姪飲味古廬卽席

分賦盆花得十三元

馬陸巧技長兒孫小白嫣紅徧瓦盆
賀歲杯前初弄影試燈風裏最銷魂
如雲繭紙朝猶護宿火甌鑪夜尚溫
回憶南西門外路豐臺都是養花村

諸葛銅弩歌

生不能回身挈腳隨材官手持白竹擒樓蘭
又不能運斤削木隨巧匠采榦恆山入幽嶂
窮年埋首事蠹書遠稽秦漢追唐虞
昨朝市中偶得銅器一似簡非簡觚非觚
歸來徧閱古器圖有物塊磊形相符云是諸葛武侯所製元戎弩
用以左射右射從前驅青錢斑斑凝綠蕪圓軸宛轉如門樞
箭槽一道中間刻惜哉今時無人解此器不然試之百步千步可廢雙韃弧淮南有遺語銅不可爲弩其言荒

銅鼓書堂遺藁卷一

九

誕無足徵視此九堪醒愚魯武侯固是天上人畱貽小物皆稱神銅鼓至今響蠻服木牛當日通秦軍弩隨八陣守堅壁幾聞猛將迎鋒鏑渭水祁山杳無跡往事空吟籌筆驛君不見白帝城南砂磧中亂石瑟瑟生陰風梁來法和箭鏃空於後誰復知良弓

哭老僕周喜

周喜先祖遺僕也勤勞素著年八十餘死而無子詩以慟之

吾家有老僕四世相追隨年已踰耄耄筋力難展施回首念昔時殫心不知疲致身事遠塞目無少年兒辛苦汝備嘗故舊我肯遺可憐衰朽質榮獨鮮扶持無何一室中奄忽與世辭人生如草木朝夕有榮萎貴賤共一瞬惟忠足

昭垂因之爲揮淚詞以示來茲

登稽古寺藏經閣

峻嶒高閣出城西百里晴雲接檻齊
擬把清吟驚碧落不辭驕馬踏春泥
粥魚聲過收蓮梵貝葉函深覆錦綈
莫信芳菲時節早隔林無數露鶯啼

矮屋衡門繞四周煙光低向足閒流平田乍見新蕪合遠水還看曉鏡浮
綽約最憐綠岸柳清閒誰及臥沙鷗日斜鈴語當風急似喚遊人更少畱

新釀棗香露初熟獨酌賦此

小院花深月正團詩懷欲共酒杯寬
試將東老新傳法忘卻西鄰舊撲竿
豔奪春華濃似露醉憐氣味靜於蘭
海塤應笑安期誤長使如瓜歲歲乾

銅鼓書堂遺藁卷一

十

春暮坐繡野簃

野色春如繡齋空燕坐宜蘆芽初刺岸荷葉欲抽池避俗思裁竹論材擬樹橙朝來風力軟牆外去帆遲
田野饒幽趣分畦繞綠波漁汀窺似鏡蝌蚪聚成窩
架小青藤密山平紫芥多鄰翁談稼穡攜杖日相過
閒階一雨後習靜似僧房初月蛾眉淡新槐鼠耳長汲泉烹活火選句貯空囊何必深巖隱塵氛始盡忘

和家漢客兄水西莊雅集原韻

水外園亭曲徑偏深林初夏日如年
好花香散藤蘿架修竹陰搖書畫船
薄酒數杯聊就席野蔬一剪亦稱筵
最憐嫩捲田田葉浮動池塘淺漲邊
小聚茆堂作偶然遊心溪口共山巔
催來夏景迎梅雨消

去春光剝柳煙紫燕銜泥斜照裏新篁解箨晚風前詩添清韻流絃外不讓西園雅集篇

年窰墨注歌

國朝陶器美無匹邇來年窰稱第一不讓汝定官哥均何況永樂之坯宣德質卽此墨注如水壺下廣上弁豐而虛置之几席斑管俱隄麋一斗可以擘窠書清光淡淡照硯北云是雨過天青古時色神螭躡蹠繞其柄鐵足周遭黝如墨下有小篆曲景文觀者從此辨僞眞君不見右軍臨池池水黑至今猶浸越山濕我欲從之挹殘汁

五松

偶讀崔融賦餘情徧五松但須天闕近不羨大夫封色蔭寒廳古陰分翠壁濃著書忘歲月恐汝忽爲龍

銅鼓書堂遺彙卷一

上

沈貞女

有家未及母命之郎面不識數亦奇十三旣許徐家子妾心誓與同生死自古鬱生義如此入門拜姑嫜姑嫜莫旁皇由來妻道比臣道不學王珪魏徵千載令人誚

秋日過張氏一畝園感舊

滿目秋光落葉黃故家風物感蒼蒼繁絃急管飄零盡惟有寒蟬噪夕陽

羅綺成叢轉盼空野花猶作舊時紅砌邊多少閒金翠寂寞荒煙蔓草中

三千珠履盡能文坐上雄談蔚似雲朱亥侯嬴俱老去不知誰憶信陵君

秋夜味古廬獨坐

商飈掠樹響騷騷漸覺寒威透敝袍滿院黃花蛩語急一窗明月雁聲高清名何必追龍腹妄念多如卷鷺濤聞說濁醪存妙理不妨左手更持螯

節烈四婦歌 有序

天津舊有三婦合葬焉一爲譚某妻陳氏一爲阮某妻諸氏以烈死一爲趙某妻裘氏以節死乾隆元年八月十八日金振妻丁氏無子視夫舍殮畢旋殉柩側里人請諸當事與三節烈合葬稱節烈四婦云

君不見文文山作正氣歌津城節烈何其多父老向予說三婦往往涕泗爲滂沱二婦不受彊暴汚秉貞浩氣還太和一婦食貧甘苦茶冰心鐵骨玉爲質不羨膏粱華腴珍羞羅凡此棱棱不可屈堪比蘇卿持節牧羊坡三冢纍纍

銅鼓書堂遺彙卷一

上

一抔土丈二碑碣字不磨碧天霜月何皎潔羞照人閒舍羞妖冶嬌翠娥聞風興起金氏婦夫殉無子奈少何照見古井水不波泉路匪遙矢靡他里巷間之各酸鼻莫不心欽足頓手摩挲嗚呼從來烈節天所鑒公道在人相護呵今茲四婦合爲一各行其志同香窩

聖世采風重節義表厥宅里樹婆婆豈無鬚眉愧柔骨高風松柏同巍峩

送家如岡姪歸海寧

迢遞歸心急冥鴻振羽翰卻憐詩酒契倍覺別離難回望關河迴前程驛路寬臨岐何所囑珍重雪霜寒送遠三千里囊餘書一擔望雲君自切聽雁我何堪夜月光逾冷江楓影半酣棹歌歸去好山水舊時語

追和心穀伯兄賞菊詩原韻

有序

丙辰榜後竟日杜門心穀兄飲余淡宜書屋酒闌夜靜談
及丙申秋賞菊唱和諸詩因出見示其中名士騷人雜以
瞿曇羽士亦盛事也回憶其時余尚在襁褓闕今二十年
矣紅友鬬題白駒過隙由今追昔感慨係之謹依前韻聊
自抒懷

東籬佳色傲霜秋共想幽人韻獨悠雅集宜增高士傳殘
燬未掃惜花愁廿年仍此重陽節三徑曾誰信宿畱收拾
青燈燒蠟炬今宵對酒不能酬

曉出廣寧門望大房諸山

樓聲靜天衢蚤起逐鳴雁嚴霜滑馬蹄漸喜晴旭旦出城
矚遐景村塢宿煙散西山青於螺一一排遠岸疎鐘度佛

銅鼓書堂遺藁卷一

圭

屋密樹翳仙館層巒殘雪明仄岫凍雲斷薜蘿如可攀應
有幽禽喚逍遙軼轡停貯目愜馳玩

渡桑乾河

拱極城西水聲急千里一瀉竹箭直陡接銀河天上來中
途帶得泥沙色我來卻值寒冱時勁風謾吹征衣枯蘆
敗葦蕩已盡惟見點點寒鴉飛危橋亘空疑匹練立馬長
嘶不敢踐俯視頓教斗膽寒憑高更使雄心戰道逢僂僂
翁眉白顏如童告我渾河源歷歷辨始終翁言古昔大禹
隨山刊木日洪河支流多蕩潏灤河一股稱最雄橫貫西
北復南折桑乾山前草蕭瑟源可濫觴無泛溢歛然東下
勢若雲分作雙流遂難遏君馬來何緩行行歲將晚不見
夏秋初沖瀾百川滿健魚南徙不敢畱瘦蛟跋扈騰中流

噲吟鞞鞞鐘鼓集然犀或見怪沈浮或云河伯會海若水
族忽赴蓬萊洲長隄千金非不固止敵馮夷一宵怒偶然
蟻穴失防維四野驚濤沒村路

聖帝詔策卹下民議疎議濬皆重臣不然腴田美廬盡漂
蕩此身早與魚鼈鼃鼃爲居鄰吁嗟乎人生何異海中沫
牛涔非小海非大我家今住孝義鄉咫尺渾河作襟帶窮
源溯委自古屬吾儒乘槎直指牛斗途非迂何時桃花水
高春樹綠任我凌風長嘯驚天吳

房山道上

草枯沙見磧馬過雪畱痕殘照明山縣寒雲護小村玉塘
應有米石寶尚如門欲就樵人宿巖深景易昏

丁家窪

銅鼓書堂遺藁卷一

古

高崖四面圍深谷如仰釜流水漱石根蜿蜒到蔬圃砌圻
積層冰清光耀鷺羽飲馬忽忽驚踏空仍在土飢鳥棲一
枝羨彼老樹古園林寒翠疎鱗次出檐宇闌寂塵慮空覓
句吟逾苦飄風動征衣孤村響砧杵

羊頭岡尋高尚書墓

寒岡淡無姿孑立森瘦骨徘徊亂石閒疲馬鞍暫歇側聞
高尚書葬此山水窟流傳墨竹派遠繼湖州殉二米染雲
煙師承盡毫髮遺蹤四百年來者失津筏我循墓道行松
鬣猶蓬勃豐碑侵綠苔幸未近耕垆虎嘯動深谿悲風自
此發暝色何蒼茫吟心轉恍惚但讀西巖詩珠林照寒月
欲遊上方白帶諸山不果

久聞上方山矗立霄漢裏復聞東西峪曾有數千指圖經

曾臥遊未得造巖趾白雲空去來遊息羨鹿豕今晨山下
行積雪襯紅紫亂峯插芙蓉峭崿眩高視塵蹤負夙願相
望隔墟里慚愧杜陵翁青鞋何日始

東安道上

一路寒風送馬蹄晚鐘斜日縣城西蒼茫僻路行人少敗
葉蕭蕭鳥亂啼

爲汪西顥徵君題花塢卜居圖冊子

臨安富川巖諸峯在肘腋湖上厭劇游西溪獨幽僻吾友
愛地偏結茆枕槃石誰家舊花塢于焉卜新宅春初百卉
競嘯詠忘役泉汲清澗寒籬穿短筇碧我亦素心人每
蹈尋芳跡他日橫山堂與君接茵席

臘八日偕汪西顥徵君家天來姪飲水西莊之花

銅鼓書堂遺藁卷一

五

影菴分賦得十蒸

未肯潛藏類凍蠅卻無奔競有誰憎笑非天下功名士差
似人閒粥飯僧鑪火旋消茶竈冷月華初吐硯池冰何須
鐘鼓追鄰寺長此偷閒我最能

望海寺

殿角瞳矐寒日明憑高迢遞見蓬瀛河分九派門前合潮
送三山檻外迎煙靄有時浮刹影霜天無際徹鐘聲回瞻
宸翰光華著長使波濤晝夜平

冬日偕高五雲汪西顥家天來重遊香林院分賦
得十三元

廊外別開門鴻都舊跡存殘牋猶挂壁危石自生根鶴唳
風聲勁鳥啼樹影昏晚來隄上望寒月淨無痕

月夜自水西莊步至空亭舊址望西淀水閒積雪
夏日恆苦熱冬日恆苦寒寒惟不畏寒入骨當頭爲愛月
影團疎林蕭蕭閒蓬戶鄰火參差出牆堵夜春斷續人未
眠婦子時聞喧笑語行見空亭舊址荒草枯霜白似鹿場
侯門興廢古無常區區何足生悲傷隔河忽近無垢國琉
璃爲地添粉飾零星殘雪搖春光極目疑在廣寒側憶昨
秋霖漲溢時銀濤欲捲扶桑枝出浦漁舟驚海若鷗鷺竝
徙滄江涯疊浪堅冰轉眼異可知通塞尋常事自來耐冷
惟纖阿夜夜還擁冰輪至

祀竈

粵自燧人興取土中央燥旣以孟夏饗胡爲季冬醺殘臘
逼歲除禍福詎神造耨耨箕帚語直向昊天告雲車風馬

銅鼓書堂遺藁卷一

六

行糖豆粉餌勞黃羊封以酬白雞殺以報邀飲及比鄰五
味雜傾倒宜同門井司酒漿播文誥俞子記可師魯望解
最妙

銅鼓書堂遺藁卷一終

男淳孫樞校刊

銅鼓書堂遺稿卷二

宛平 查禮 恂叔

丁巳

正月六日高五雲孝廉汪西顥徵君胡文錫秀才家天來姪集味古廬對雪分賦得花字

曉看庭霞映窗紗
雪爭春潤物華
舊約仍穿三徑入
早梅初放一枝斜
詩人不枉功名列
風味依然處士家
來日無妨同翦勝
諸君誰更筆生花

人日水西莊小集

山蔬野蕨作春筵
來趁西園雪後天
吹到條風便駘蕩
枕溪廊外漾輕煙

送符幼魯主事歸錢塘

銅鼓書堂遺稿卷二

東風吹柳碧毵毵
惜別樽前意那堪
儘可吟情同硯北
如何帆影指江南
梨花夜落三更雨
桃塢春生百尺潭
想到西湖攜屐好
亂峯深處筍抽簪

三月十七日汪西顥攜酒招同汪惇士胡文錫過水西莊予不果往簡詩一絕

芳草如雲倦蝶魂
春風幾度拂清樽
愁腸百結花無語
閒徧丁香未出門

送家天來姪歸仁和

雪後金湖水似雲
羨君歸路惜離羣
柳條送客情難盡
桃賴迎人色正醺
酒罄餘歡翻寂寞
詩添別思倍殷勤
縈紆碧草三千里
兩岸鶯聲忍獨聞

謝趙功千徵君惠龍井茶

薰風南至白晝長
驟炎天氣梅子黃
小齋幽處鳥聲寂
午倦敲脚傲羲皇
北窗一枕夢初覺
煩渴思吸紅蕤漿
恰好封題來日下
麥穎寄我翠筠筐
開簾頓喜清香發
藍英簇簇含芬芳
產自龍井信靈卉
摘焙工細超尋常
武林山川割秀氣
龍泓泉石標旗槍
茶人飽食紫花脯
茶鼎詎愁臯盧荒
我急爲滌甌犧具
呼童汲泉手足忙
松聲蟬眼文武火
法案經訣意周詳
啜之一椀至七椀
脩然兩腋生清涼
清溪賴石何足數
品第顧渚差堪方
漫說輕身與換骨
還憐破悶兼搜腸
令人少眠始見真
茗分五等此最彊
感君知予嗜茶癖
不待致書貽頭綱
何以報之夜旁皇
吟興笑減醉歌狂
浣花牋帶珠薈色
遙將滋味共君嘗
擬垂清塵傲天壤
葬以當酒今何妨

銅鼓書堂遺稿卷二

雨後同劉紫仙余元平汪西顥余犀若過水西莊看荷分賦得暑字

溫風被長林
結伴度芳渚
西莊最清涼
爽氣薄島嶼
熒熒芙蕖花
出水燦如炬
雨過無纖埃
開軒滌煩暑
猗彼婉孌姿
含芬動少女
聊將醪醕酬
何用桂棹舉
浴鳥泛白鷗
遊魚戲魴鱖
田田翠蓋開
鱗羽竝得所
爲歡當及辰
觴詠抒情緒
解衣笑倚阮
屨巾誚僉楚
攜屐思東山
圍棋賭別墅
興盡尚徘徊
因花索解語

送侍讀徐魯南先生還宿遷

江東數耆舊
落落晨星殘
先生秉儒行
舉世尊儒冠
昔者趨禁籞
偉望標端簪
筆比班馬
摘文繼歐韓
三千長牘奏九萬
高風搏龍池
柳正綠
螭陛霞初丹
中年偶息駕
衡

必資盤桓三餘事搜討四庫儲綈統晴軒據梧讀牋襞盈
牀攤繩繩榕村學振委揚其瀾鶴書自

天至碩學徵甘盤前遊續王府新渥陪 金鑾固知松柏

質益被雨露溥朝來念初服結想歸河干安車上苑出祖

帳東門觀豈曰豹隱霧實乃鴻漸磐西沽水清澈入海波

漫漫蒼葭聚淺渚碧柳圍清湍維舟得信宿雅好通金蘭

捧袂方告始離軫何遠彈嗟予志披謁夙昔銘腑肝吉光

一羽覩寶過青琅玕惜哉良會促未罄平生歡鍾吾雲繞

驛白洋浪捲難興懷渺千里川塗鬱相蟠安得如澠酒時

時祝加餐

秋夜對月懷家天來姪在秦中

宵深涼露滴天末雁書稀詞客應添賦征人欲授衣蛩聲

當戶靜螢火入林微遠夢無拘束時隨落葉飛

懷人不可見況值萬山秋回憶同樽酒何堪獨夜愁名都

三輔舊逝水八川流未識因依處憑誰記壯遊

水西莊秋日雨中八首

西莊闢自信安灣竹筧茆檐屋數間習靜不驚風雨驟蓼

汀深處釣翁閒

雨趁涼颼透戶櫺重簾不捲晝冥冥焚香掃地無多事二

百籤餘小品經

村居幽趣許誰同不是詩人卽畫工一抹林巒描未得亂

雲如絮白濛濛

碧水迢迢漾淺沙幾叢修竹野人家最憐秋滿疎籬外帶

雨斜開扁豆花

銅鼓書堂遺藁卷一 三

拂隄衰柳濕拖煙漲溢長河浪拍天獨坐數帆臺上望羣

鷗飛過打魚船

幽人鼓吹聽蛙鳴紅板橋頭蟹市清何處疎鐘敲遠寺漫

催暝色寫溪聲

覓句何妨上小樓野彩歷歷雨初收夜愁夢入園西路一

港瀟瀟蘆荻秋

舟載寒煙乍有無披簑貫笠渺江湖輞川妙筆須誰借摩

詰如生必我俱

贈杭大宗編修

龍輔藏堅珉精英蓬山表駟生渥洼天閑待騰裏自古

宏雅儒奇光不終葆苟非明堂珍卽爲清廟寶君才萬夫

敵充實無虛矯美質含瑚璉清文飾黼藻蚤年事迹作肆

力志軒輶機杼由性靈規撫惡竊剽汲古功尤深篋篋任

傾倒豎義長城堅披源大河浩優游三十載藝圃秉麾纛

忽應褒書求觚棱日初曉遠辭薜蘿徑時視明光草螭均

長拜趨柱下恣蒐討三禮昔紛綸聚訟煩勘校君憑學識

超析微虛必擣明辨忌雷同純粹體直道鄭王與孔賈箋

詰窮杳渺壓角詣省初奪席衆儒小憶昨訪君盧輾輻走

行潦旋念水中央幽懷獨縈繞蘭蕙本同根芬芳無異抱

先路覲相攜周行殊了了倘肯分秋鐙來繙石經考

開離日下書

贈趙功千徵君

逸經古記辨無譌驟遣星軺出澗阿人擬趨朝旋釋褐自

甘補屋尚牽蘿青山乍老遊情減黃菊重開鄉思多籬下

此為試讀，需要完整PDF请访问：www.ertongbook.com